

genante er Nicolausz vorvallen isz von dodes wegen, dat [god]¹ vriste na sinen gnaden, so schal unsem clostere de opgerorde tinsz weddir quid vorleddiget sin ane jemandes insage. Dusses to merer wissenheyt und to bekantnisse hebben we Alheydt von Hoym ebbedissche dussen breyff gegeben vorsegilt met unser ebbedige angehengenden ingesegile na Cristi geborth unses leven heren veirteynhundert jar darna in deme achte unde sesstigesten jare am sondage Letare in der hilgen vasten. 5

Original mit Siegel im Staats-Archiv zu Magdeburg s. R. Stift Quedlinburg C, II, No. 106.

Gedruckt bei Erath 801. 10

471. Die Brüder des Franziskanerordens in der Altstadt Quedlinburg bekennen, dass der Rath beider Städte ihnen unter gewissen Bedingungen erlaubt hat, einen Wassergraben aus der Bode in ihren Baumgarten durch die Stadtmauer anzulegen, und verpflichten sich für den etwa derselben dadurch entstehenden Schaden aufzukommen. 1468. Apr. 22. 15

We brodere des ordens sancti Francisci wonhafftich in der Olden Stad to Quedelingborch bekennen in dussem openne vorsegelden breve vor uns, unse nakomelinge unde vor alsweme de one sehin horen und leszen, dat de ersamen wisen borgemeistere und ratmann beider stede Quedelingborch myt withscop und yulbort des olden rades unde der ghesworen der stad uns hebben erlovet und gestadet eyne waterganck tho maken uth der Boden dorch ore stadmuren in unsen bomgarden lutterliken umme goddes und umme unser bede willen, also dat we schullen und willen bewaren de stadmuren, dat se van sulkem watergange neynen schaden neme; und efft schade dar van der muren schege, dat schulle we wedder buwen an insaghe: sunder nehme de mure schaden, dat sek nicht sakede von dem waterganghe, dat schullen buwen und in beteringe lolden unse heren van deme rade. Ok so schullen we opgenante brodere und alle unse nakomelinge bynnen vor dem watergange hebben und holden eyn copperblath dorchgeslagen myt holren, also dat unse heren van dem nicht schaden nehmen an orem heyge und vischerye. Und weret sake dat we edder unse nakomelinge des alzo nicht enheilden und der halven van unsen heren am rade eyns twye edder drye ersocht worden dem, so vor gescreven steit, eyne volge tho donde, und dat van uns edder unsen nakomelingen vorachtet worden: denn so mach sek de rath an unse und unser nakomelinge fulbort des anemathen und underwinden und den watergangk wedder vorbuwen und towarpen laten, dar so schullen we noch enwilen se nichtes ane hinderen. Unde dat alle stucke und artikele dusses breves stede vast und unvorbroken gehalten werden, des to orkunde und wissenheit hebben we unses closters ingesegel an dussen breff 40

1) god] fehlt im Original.